

“ТАСДИҚЛАНГАН”

“Навоийуран” ДК

Кузатув кенгашининг

2022 йил “22” 04 даги

йиғилиш баёнига асосан

**“НАВОИЙУРАН” ДК  
КУЗАТУВ КЕНГАШИ ҲУЗУРИДАГИ  
КОРРУПЦИЯГА ҚАРШИ КУРАШИШ ВА  
ЭТИКА ҚЎМИТАСИ ТЎҒРИСИДА НИЗОМ**

Навоий шаҳар -2022 йил

## **1-боб. Умумий қоидалар**

1. “Навоийуран” давлат корхонаси (кейинги ўринларда – Корхона) Кузатув кенгаши ҳузуридаги “Коррупцияга қарши курашиш ва этика қўмитаси тўғрисида”ги Низом (кейинги ўринларда – Низом) Ўзбекистон Республикасининг Фуқаролик Кодекси, Корхона Уставига ва бошқа норматив-ҳуқуқий ҳужжатларга мувофиқ ишлаб чиқилган бўлиб, Корхона Кузатув кенгаши ҳузуридаги Коррупцияга қарши курашиш ва этика қўмитасининг (кейинги ўринларларда – Этика қўмитаси) ҳуқуқий мақомини, таркибини, ваколатларини ва унинг ишлаш тартибини белгилайди.

2. Этика қўмитаси вақоти доирасидги масалаларни кўриб чиқиш ва Корхонанинг Кузатув кенгашига тавсиялар тайёрлаш учун Корхона Кузатув кенгашининг қарори асосида ташкил этилади.

3. Этика қўмитаси ўз фаолиятида Ўзбекистон Республикаси қонун ҳужжатлари, Корхонанинг таъсис ҳужжатлари, Корхонанинг бошқа ички меъёрий ҳужжатларига, шунингдек ушбу Низомга амал қилади.

## **2-боб. Этика қўмитасининг таркиби**

4. Этика қўмитаси фақат Корхона Кузатув кенгашининг аъзоларидан 3 кишидан иборат таркибда ташкил этилади.

5. Этика қўмитасининг аъзолари Корхона Кузатув кенгаши раисининг тавсияси асосида Кузатув кенгаши аъзоларидан уларнинг ваколат муддати даврига кўпчилик овоз билан сайланади. Этика қўмитасининг раиси Этика қўмитаси аъзолари орасидан Корхона Кузатув кенгаши томонидан тасдиқланади. Этика қўмитасининг раиси Корхона Кузатув кенгашининг раиси бўлмаслиги лозим.

6. Этика қўмитасининг таркибига сайланган Кузатув кенгаши аъзолари чекланмаган тарзда қайта сайланиши мумкин.

7. Этика қўмитаси аъзолари ўртасидаги функциялар тақсимланиши Этика қўмитасининг раиси томонидан амалга оширилади.

8. Корхонанинг Комплеанс хизмати ўз фаолиятида Этика қўмитасига ҳисобдордир.

## **3-боб. Этика қўмитасининг мақсади ва асосий вазифалари**

9. Этика қўмитаси Корхонада коррупцияга қарши курашиш тизимини ташкил этилиши, одоб-ахлоқ ва этика қоидаларини жорий этилганлиги

устидан назорат ўрнатилиши учун тузилган.

10. Этика кўмитасининг асосий вазифалари:

а) умумий вазифалар:

Корхона таркибий бўлинмаларининг коррупцияга қарши курашиш ва унинг олдини олиш бўйича чора-тадбирларни амалга оширишга оид фаолиятини мувофиқлаштириш;

Корхонанинг тижорат сирини ташкил қилувчи маълумотлар доирасини аниқлашда, тижорат сирига риоя қилинишини назорат қилишда, манфаатлар тўқнашувининг олдини олиш мақсадида Корхона таркибий бўлинмалари ўртасида хизматга доир маълумот алмашинувида чекловлар қўйиш коидаларини ишлаб чиқишда иштирок этиш;

Корхонанинг назорат органлари ва махсус ваколатли орган билан коррупцияга қарши курашиш ва унинг олдини олиш соҳасидаги ҳамкорлигида ўз ваколати доирасида иштирок этиш;

ўз ваколати доирасидаги масалалар юзасидан Кузатув кенгаш мажлисларига маълумотлар тайёрлаш ва унга ҳисоботлар тақдим этиш;

Корхонада комлеанс хизматини ташкил этиш, унинг раҳбари ва ходимларини лавозимга тайинлаш ва лавозимдан озод этиш масаласини кўриб чиқиш, бу ҳақда Кузатув кенгашига таклифлар киритиш;

комлеанс хизматининг чораклик ҳисоботларини ўрганиб чиқиш ва Кузатув кенгашига тақдим этиш;

даврий равишда (йилда камида бир марта) Корхона комлеанс хизматининг ҳар бир ходимини унинг ахборотни танлаш, текширув ўтказиш ва хулосаларни тайёрлаш салоҳиятидан келиб чиқиб касбий маҳорат даражасини баҳолаб бориш;

ўз фаолияти тўғрисида ҳисобот тайёрлаш;

Кузатув кенгаши томонидан юклатилган бошқа вазифаларни бажариш.

б) молиявий комплаенс соҳасидаги вазифалар:

жиноий фаолиятдан олинган даромадларни легаллаштиришга, терроризмни молиялаштиришга ва оммавий қирғин қуролини тарқатишни молиялаштиришга қарши курашиш бўйича чораларни амалга оширишда иштирок этиш;

Корхона томонидан давлат харидлари тўғрисидаги қонун ҳужжатларига риоя қилинишини мониторинг қилиш;

молия бозорларидаги ноинсоф хатти-ҳаракатларга (инсайд, манипуляция ва бошқалар) қарши курашиш;

в) ҳуқуқий комплаенс соҳасидаги вазифалар:

“Коррупцияга қарши курашиш тўғрисида”ги Қонуннинг бузилиши муносабати билан ички текширувларни ўтказишда иштирок этиш;

Корхонанинг коррупцияга қарши курашиш ва унинг олдини олиш бўйича норматив базасини (ички қоидалар, тартиб-таомиллар ва регламентлар)ни ишлаб чиқиш ва такомиллаштиришда иштирок этиш;

ҳуқуқий ва бошқа нормаларнинг бажарилиши устидан ички назоратни, шунингдек Корхона харажатлари устидан назоратни амалга оширишда иштирок этиш;

Корхона ходимларининг ҳуқуқий онги ва ҳуқуқий маданиятини ошириш, уларда коррупцияга қарши муросасиз муносабатни шакллантиришда иштирок этиш;

Хизмат қонун ҳужжатлари билан юкланган бошқа вазифаларни ҳам амалга оширади.

г) этика соҳасидаги вазифалар:

ходимларни бир-бири билан, контрагент, ишбилармон шериклар, давлат идора ва амалдорлари билан ҳалол ва адолатли ўзаро алоқаларини таъминланишини назорат қилиш;

ходимлар ўзларининг расмий вазифаларини бажаришда риоя қилишлари керак бўлган касбий ва ахлоқий меъёрларни аниқлаш, шунингдек, тегишли корпоратив маданиятни шакллантиришни мувофиқлаштириш;

ишончли контрагент ва юқори ижтимоий жавобгарликка эга Жамият сифатида, Жамиятнинг ишбилармонлик обрўсини мустаҳкамлаш юзасидан Кузатув кенгашига тавсиялар тайёрлаш;

- ҳуқуқбузарликлар ва низоли вазиятларнинг олдини олиш.

#### **4-боб. Этика қўмитаси мажлисларини ташкил этиш ва ўтказиш тартиби**

11. Этика қўмитасининг мажлиси Этика қўмитасининг раиси томонидан унинг ўз ташаббусига кўра, Этика қўмитасининг аъзоларининг талабига кўра, шунингдек, Корхона комплеанс хизмати раҳбарининг ёзма талабига кўра чақирилади.

12. Этика қўмитаси ҳар чорак якунига кўра, зарур бўлганда ҳар ойда, қўмита аъзоларининг шахсан иштирокида ёки бошқа алоқа тармоқларидан фойдаланиш йўли билан ўз мажлисларини ўтказиб туриши лозим. Этика қўмитаси Корхонанинг ижроия органи ва бошқа шахсларни қўмита мажлисларига қатнашиш учун таклиф қилиши, шунингдек зарур бўлганда улардан ахборот талаб қилиши мумкин.

13. Этика кўмитаси аъзолари муайян масаланинг кечиктирилмай ҳал этилишини талаб қиладиган қоидабузилишлар аниқланган тақдирда кўмитанинг шошилинич мажлисини чақирилишини талаб қилишлари мумкин.

14. Этика кўмитаси ўз мажлисларини Корхона Кузатув кенгаши мажлисларидан олдин ўтказди.

15. Этика кўмитасининг раиси кўмита мажлисидаги барча иштирокчиларга уни лозим даражада ўтказишга тайёргарлик кўриш ва унда олиб чиқилган масалаларни муҳокама қилишда фаол иштирок этиш имкониятларини яратади. Этика кўмитасининг аъзолари кўмита мажлисларини ўтказишга тайёргарлик кўриш ҳамда уларда иштирок этиш учун етарли даражада вақт ажратишлари лозим.

16. Этика кўмитаси мажлисида унинг аъзоларининг энг камида 2/3 қисми иштирок этса, мажлис ваколатли ҳисобланади, бунда кўмита раиси иштирок этиши шарт.

17. Этика кўмитасининг мажлисида қарорлар мажлисда ҳозир бўлганларнинг кўпчилик овози билан қабул қилинади.

18. Этика кўмитасининг мажлисида масалалар ҳал этилаётганда Этика кўмитасининг ҳар бир аъзоси битта овозга эга бўлади. Овозлар тенг келган тақдирда, кўмита раисининг овози ҳал қилувчи ҳисобланади. Этика кўмитасининг қарорига розилик билдирмаган кўмита аъзоси ўзининг мажбурий тартибда мажлис баённомасига илова қилинадиган алоҳида фикрини қайд этиб қўйиш ва уни Кузатув кенгаши эътиборига ҳавола қилиш ҳуқуқига эга.

19. Этика кўмитасининг қарори Этика кўмитаси мажлисининг баённомаси билан расмийлаштирилади. Ушбу баённома кўмита котиби томонидан юритилади ва овоз беришда иштирок этган кўмита аъзолари томонидан имзоланади.

20. Этика кўмитаси мажлисларига котиблик қилиш вазифасини Корхона комплаенс хизматининг раҳбари бажаради.

21. Этика кўмитасининг раиси:

Этика кўмитасининг ишини ташкил этади;

Этика кўмитаси мажлисларини чақиради ва уларда раислик қилади;

Этика кўмитаси мажлисларида баённома юритилишини ташкил этади;

Корхона ички меъёрий ҳужжатлари ва мазкур Низомда назарда тутилган бошқа ҳаракатларни амалга оширади.

22. Этика кўмитасининг котиби:

Этика кўмитаси мажлислари баённомаларини юритади ва



расмийлаштиради;

Этика қўмитаси томонидан кўриб чиқилиши учун кун тартибидаги масалалар бўйича материалларни тайёрлайди ва тақдим қилади;

Этика қўмитасининг қарорларини, хулосаларини ва баённомаларини олувчиларгача етказди.

23. Корхона комплаенс хизмати раҳбари, унинг ходимлари Этика қўмитасининг мажлисларида овоз бериш ҳуқуқисиз иштирок этишлари мумкин.

### **5-боб. Этика қўмитаси аъзоларининг ҳуқуқ ва мажбуриятлари**

24. Аудит қўмитаси аъзоси қуйидаги ҳуқуқларга эга:

Корхона ижро органи аъзоларининг ва Корхонанинг бошқа мансабдор шахсларидан ўз фаолияти учун керакли барча ҳужжатларни ва материалларни тақдим этишни талаб қилиш;

Комплеанс хизматидан ҳужжатларни ва материалларни сўраб олиш ва улардан фойдаланиш;

агар Корхонага жиддий моддий зарар етказилишига олиб келган ёки етказилишига олиб келиши мумкин бўлган қоидабузилишлар аниқланса, ижроия органи мажлиси чақирилишини талаб қилиш;

Корхонанинг таркибий бўлинмалари ходимлари, шу жумладан раҳбарларидан кўриб чиқилаётган масалалар бўйича изоҳлар талаб қилиш;

айбдор ходимларни интизомий, мулкӣ ва бошқа турдаги жавобгарликка тортиш масалаларини раҳбариятига кўриб чиқиш учун тақдим қилиш;

Корхонанинг дастлабки бухгалтерия, молия ва бошқа ҳужжатларидан фойдаланиш;

тақдим этилган ҳужжатлар асосида тегишли хулоса ва таклифлар ишлаб чиқиш ва Корхона Кузатув кенгаши муҳокамасига киритиш.

Этика қўмитаси мажлисида муҳокама қилинаётган масала юзасидан регламент билан ажратилган вақт доирасида сўзга чиқиш, кун тартибидаги масалалар, қабул қилинаётган қарорлар бўйича ўзининг алоҳида фикрини Этика қўмитаси мажлиси баённомасига киритишни талаб қилиш;

Этика қўмитаси мажлиси кун тартибига киритиш учун масалалар таклиф қилиш.

25. Этика қўмитасининг мажбуриятлари қуйидагиларни ўз ичига олади:

Комплеанс хизмати ходимларини тайинлаш учун Кузатув кенгаши тасдиғига номзодларни киритиш ҳамда уларни лавозимдан озод этиш

тўғрисида таклиф киритиш;

Корхона томонидан қонунчилик ҳужжатларида назарда тутилган миқдорда амалга оширилган харидларни назорат қилиш;

Комплеанс хизмати ишини, шу жумладан, унинг ҳисоботларини таҳлил қилиш ва самарадорликни баҳолаш орқали назорат қилиш;

Коррупция қарши кураш бўйича аудит ўтказилишини таъминлаш.

26. Этика қўмитанинг аъзолари қўмита мажлисида шахсан қатнашишлари шарт. Агар мажлисда қатнашиш имконияти мавжуд бўлмаса, қўмита аъзоси сабабларини кўрсатган ҳолда Этика қўмитасини бу ҳақда хабардор қилади.

27. Этика қўмитаси, Корхона аудиторлик ташкилотининг сўровига кўра, аудиторлик текшируви жараёнида юзага келган масалалар юзасидан оғзаки ва ёзма тушунтиришлар беришга ҳамда аудиторлик текшируви учун зарур бўлган қўшимча маълумотларни тақдим этишга мажбур.

28. Этика қўмитаси бухгалтерия ҳисоби тўғрисидаги қонунчиликнинг аниқланган бузилишлари тўғрисида ёки коррупцияга оид ҳуқуқбузарликларни аниқ тасдиқловчи фактлар ҳақида Корхона аудиторлик ташкилоти томонидан ёзма шаклда хабардор қилиниши шарт.

#### **6-боб Этика қўмитаси аъзоларининг жавобгарлиги**

29. Этика қўмитасининг аъзолари ўз ҳуқуқларини амалга оширишда ва ўз мажбуриятларини бажаришда Корхонанинг манфаатларини кўзлаб иш тутиши ҳамда белгиланган тартибда жавобгар бўлиши лозим.

30. Корхонага зарар етказилишига сабаб бўлган қарорга овоз беришда иштирок этмаган ёки ушбу қарорга қарши овоз берган Этика қўмитасининг аъзолари жавобгар бўлмайди.

#### **7-боб Фаолиятни назорат қилиш**

31. Этика қўмитаси ўз фаолиятида Корхона Кузатув кенгаши раисига ҳисобдордир. Этика қўмитаси фаолияти устидан даврий назорат Корхона Кузатув кенгаши раиси томонидан Этика қўмитасининг амалга оширилган ишлар тўғрисидаги ҳисоботлари орқали амалга оширилади.

32. Қонун ҳужжатларида белгиланган ҳолларда Этика қўмитаси фаолияти коррупциянинг олдини олиш ва унга қарши курашиш соҳасидаги махсус ваколатли давлат органи, шунингдек Корхонанинг ташки аудиторлари томонидан текширилиши мумкин.

## **8-боб Яқунловчи қоидалар**

33. Мазкур Низом Корхона Кузатув кенгаши томонидан тасдиқланган санадан эътиборан кучга киради.

34. Ушбу Низом, шунингдек, унга киритиладиган ўзгартириш ва қўшимчалар Корхона Кузатув кенгаши томонидан тасдиқланади. Низомга ўзгартириш ва қўшимчалар киритиш тўғрисидаги таклифлар Корхона Кузатув кенгаши раиси ва Этика қўмитаси аъзолари томонидан киритилиши мумкин.